



partii naleraq

UKA 2016/011-02

08-11-2016

Nunatta Karsiata 2015-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut.

(Aningaasaqarnermut Aatsitassanullu Naalakkersuisoq)

Nunatta karsiata 2015-imut naatsorsuutaasa akuersissutigineqarnerat pillugu Inatsisartut aalajangiiffigisassaattut siunnersuutip aappassanneerqarnera.

Nunatta karsiata 2015-imut naatsorsuutaasa upernaq inatsisartuni ataatsimiinitsinni saqqummiunneqarneranni Partii Naleqqamiit oqaaseqaativut innersuussutigalugit kukkunersuiunermut ataatsimiititaliap isumaliutissiissutaa imannak naatsumik oqaaseqarfigissuarput:

Siusinnerusukkulli Partii Naleqqamiit Namminersorlutik Oqartussat siunnersortinik avataaneersunik aningaasarparujussuit atorlugit ukiut tamaasa killeqanngiusattumik atuisarnerat uparuartortarlugulu isornartorsiortarparput.

Maannakkut nuannaarutigalugu maluginiarparput, siunnersortinik atuineq nalunaarsoqqissaarneqarlunilu nutaamik aaqiiffiaginiarneqarmat iluaraarput, tassami 2015-iinnarmi Namminersorlutik Oqartussat 535-eriarlutik atuisimapput.

Inissaaleqineq inissiaruarnillu iluarsaassinissat milliardinik arlalinnik kinguaattoorffiungaluartut, taamaattoq Sanaartugassanut Iluarsagassanullu Aningaasaateqarfimmi aningaasat atorneqanggitsut 1 milliardit sinnerlugit uninngasuutigineqarput. Pissutsit taamaannerat ajorluinnarpoq akuersaarneqarsinnaananilu.

Taamaammat aamma Naalakkersuisuit piumaffigissavagut inissiaatileqatigiiffiup A/S INI –ip ingerlanneqarneranut tunngasut aamma Illuut A/S-imut tunngasut misissuiffigineqarlutillu nalilersuiffigeqqissaarneqassasut.

Aamma akuersaarneqarsinnaanngilaq Sanaartugassanut Iluarsagassanullu nassuiaatit 2014-imut 2015-imullu naammassineqarsimannginnerat.

Sanaartornermut immikkoortortaqarfiup sulariumannittussarsiusseqaarnani LH Siunnersorti Apsmik toqqaasimanera atuilersimaneralu tupinnangitsumik kukkunersuiunermut Ataatsimiititaliamit Naalakkersuisunut uparuaatigineqarsimavoq.

Taamaattumik Naalakkersuisunut piaarnerpaamik kaammattuutigissuarput, pissutsit taamaattut atorunnaarseqqullugit.

Taama naatsumik oqaaseqarluta kukkuniuinermut ataatsimiititaliap isumaliutissiissutaa tusaatissatut tiguarput.

Anthon Frederiksen